

秦批醫學見能

醫學見能

許半龍



R2-53
1-2

凡例

一他書皆標證名。是書原為不知醫者而設。標出證名。轉生迷眩。故見某痛苦。即收入某門。分部分類。最便查閱。

一是書雖簡略。然每遇一證。必究其源。審知陰陽。分別臟腑。最為靈驗。雖見病治病。比時書卻高一格。

一婦人小兒。除胎產麻痘外。悉如男子治法。且各有專書。閱者能得此書之意。再參各書。自可辨其得失。而取用不窮。是書不多贅也。

一是書原無歌括。苦於難記。今按各節。衍成絕句。以便記誦。真醫門中第一捷訣也。

一瘡傷跌打救絕等法。是備急扶危之要務也。附於卷末。方法經驗。千穩萬安。當熟記之。豫備藥料。以便濟人。

醫學見能原敘

備豫不虞。古之善教。而不虞之備。莫要於醫。高堂則風竹瓦霜。膝下則新雛弱笋。外而戚友。中則己身。偶有疾苦。均資乎醫。誠重矣哉。顧醫之難也。非讀書識字。則不能醫。非格物窮理。則不能醫。非通權達變。更不能醫。一旦櫻非常之疾。束手無策。只得委任凡醫。聽其措置。為之醫者。又復混亂陰陽。顛倒寒熱。投劑不中。至於垂危。明哲之士。鑒前車。思補救。奮然求濟於方書。而諸書率皆大海茫茫。渺無涯涘。深則摘要鉤元。淺則捕風捉影。倉皇檢閱。兩俱無益。病家既窮於醫。又窮於書。惟撫膺扼腕。自恨其不能醫己耳。噫。醫固若是之難能己乎。抑亦所見之書有未遽能者乎。夫紀昌之射。六年方工。伯牙之琴。三年未妙。天下事安有一見而能者哉。顧事之在所緩者。不必求諸一見。而事之在所急者。要無取乎難能。況不測之來。危在頃刻。非開卷了然之書。何以供家俗急時之用。余因感此。集為是書。卽不知醫家。臨證查對。無不瞭如指掌。且是書也。雖非鉤元摘要之微。亦匪捉影捕風之陋。果能洞書中之言。通言外之意。將淺者見淺。深者見深。而吾一見能之。裨於世用也。詎有涯哉。

光緒十六年季夏

容川唐宗海自題

伯未按此書出版之十年。陝西紫陽程君振興。獲成都灌邑文茅堂刊本。書名醫學一見能。互相對勘。頗多出入。而卷首有唐氏自序。彌可貴也。惟缺方歌而藥品不註分兩。似不及此書之完備。承郵寄囑加校正。因就其所異。摘錄眉上。以蜀刻本三字別之。書末並闕外科刀傷跌打救急諸門。當是另有專刊。蓋唐氏本有外科說意之作也。甲戌中秋前一日記。

醫學見能目錄

卷首

診法

五臟

六腑

經氣

望色

聞聲

問證

切脈

卷一

證治

頭骨

兩耳

眼目

脣口

鼻孔

齒牙

舌本

咽喉

胸前

大腹

小腹

脇肋

背上

腰中

手臂

腳腿

前陰

後陰

大便

小便

卷二

證治

寒熱

嘔吐

欬嗽

喘急

失血

遺精

言語

心神

斑黃

出汗

腫脹

飲食

起居

倒仆

抽掣

蟲蠱

鬼祟

卷三

婦科

調經

安胎

保產

兒科

外證

內傷

外科

瘡科

刀傷

跌打

卷四

附錄

救急各方

醫學見能目錄終

醫學見能卷首

蜀都唐宗海容川著

上海秦之濟伯未批校

□ 診法

◎ 五臟

伯未按心惡
熱肺惡寒肝
惡風腎惡燥
脾惡濕胃喜
涼腸喜熱胆
喜溫亦不可
不知

心火臟主生血主藏神主周身脈絡主喜主笑開竅於舌
肝木臟主行血主藏魂主周身筋膜主怒主驚開竅於目
脾土臟主飲食主藏意主周身肌肉主思主噫開竅於口
肺金臟主行氣主藏魄主周身皮毛主悲主欬開竅於鼻
腎水臟主生氣主藏志主周身精髓主恐主欠開竅於耳
外有包絡即心外衣為陰血布化之源
又有命門即腎中系為真陽生氣之根

◎ 六腑

小腸者心之腑屬火主化食為液上奉心血
膽者肝之腑屬木主升降降濁疏利中土
胃者脾之腑屬土主納受水穀化氣化血

白色屬肺。虛寒也。亦主血脫。

黑色屬腎。水氣也。亦主腎虛。

○聞聲

肝志怒。其聲呼。其變罵詈。

心志喜。其聲笑。其變譫語。

脾志思。其聲歌。其變鄭聲。

肺志憂。其聲哭。其變失音。

腎志恐。其聲呻。其變氣短。

○問證

問病因。七情六欲。風寒暑濕。飲食起居。損傷驚恐之類是。

問病形。痛癢寒熱。喘欬煩渴。吐利脹滿。便閉抽搐之類是。

問病機。朝甚暮愈。暮熱朝寒。進退盛衰。變證兼證之類是。

問病情。惡寒惡熱。苦嘔苦滿。飲食不食。心煩不寐之類是。

○切脈

浮脈。輕按即見。主表實。亦主裏氣內虛。

沈脈。重按乃見。主裏實。亦主裏氣內虛。

伯未按滑伯仁云。脈之沉。要數外。浮沉。遲數。滑。其足。陽。乎表裏。陰。風。虛實。冷。熱。府。寒濕。燥。藏。也。氣血之病也。

遲脈一息三至。主虛寒。亦主在臟之病。

數脈一息六至。主實熱。亦主真寒假熱。

虛脈三部無力。主諸虛。亦主素稟不足。

實脈三部有力。主諸實。亦主素稟有餘。

大脈應指洪濶。主病進。亦主正氣內虛。

緩脈應指柔和。主病退。亦主胃氣有餘。

長脈過於三指。主氣盛。亦主陽盛陰虛。

短脈不滿三指。主氣損。亦主中有窒塞。

滑脈往來流利。主血走。亦主痰飲為病。

澀脈往來艱滯。主血虛。亦主瘀血凝積。

洪脈湧沸有力。主實熱。亦主內虛不足。

緊脈勁急無定。主寒實。亦主身體疼痛。

細脈窄小不粗。主冷氣。亦主血脈不足。

微脈模糊不顯。主陽虛。亦主元氣敗絕。

芤脈浮大中空。主血亡。亦主遺精小產。

絃脈端直中勁。主木旺。亦主痰飲內痛。
革脈浮極有力。主陰亡。亦主陽不入陰。
牢脈沉極有力。主寒實。亦主內有積聚。
濡脈浮細無力。主氣虛。亦主外受濕氣。
弱脈沈細無力。主血虛。亦主胃氣不盛。
動脈搖曳在關。主驚氣。亦主陰陽相搏。
伏脈沈潛著骨。主邪閉。亦主陰寒在內。
促脈數中時止。主熱鬱。亦主邪氣內陷。
結脈遲中時止。主寒結。亦主氣血漸衰。
代脈止有定候。主氣絕。亦主經隧有阻。
散脈去來繚亂。主氣散。亦主產婦之吉。

浮沉分表裏。遲數定寒熱。虛實分盛衰。大緩辨進退。長有餘而短不足。滑
流利而濇艱難。寒熱緊洪俱屬實。細微血氣總為虛。亢中空而血亡故道。
弦中勁而木侮脾經。革則陽氣外越。牢則陰邪內固。濡氣虛。弱血虛。虛各
有別。動氣搏。伏氣閉。氣總乖和。結陰促陽。辨遲與數。代亡散絕。有去無來。

脈法多端。此為總索。

伯未按。中醫論生理。主重臟腑經絡。論診斷。主重望聞問切。以現代科學視之。自多缺陷。但中醫辨症用藥。全賴於此。越此範疇。便無頭緒。故唐氏此書。本為不知醫者說法。而首先提出。殆有深意。

醫學見能卷一

蜀都唐宗海容川著

上海秦之濟伯未批校

證治

頭證

(總訣)頭乃三陽所總司。藥分三面按經施治。春暈眩暈分虛實。虛兩

路馳。

頭痛在後。或兼發熱惡寒者。太陽經傷寒也。宜加味敗毒散。

沙參 二錢 羌活 二錢 獨活 二錢 柴胡 二錢 前胡 三錢 川芎 一錢

桔梗 三錢 雲苓 三錢 枳殼 一錢 甘草 一錢 粉葛 二錢 大棗 二枚

葱白 一根 生薑 三片

後面頭疼敗毒湯。 柴前芎桔獨參羌。

歌曰 枳苓葱葛甘和棗。 引用生薑入太陽。

頭痛在側。或兼寒熱往來者。少陽經傷風也。宜加味柴胡湯。

半夏 三錢 柴胡 三錢 竹茹 三錢 玉竹 三錢 黃芩 三錢 白芍 三錢

鉤藤 三錢 甘草 一錢 生薑 三片 大棗 二枚

伯未按民間用生薑片貼太陽亦有幫助

伯未按蜀刻本鉤藤作荆芥

伯未按清震
湯亦可服用
升麻八分蒼
朮一錢荷葉
一角

歌曰

頭痛在側少陽風。

祛邪專賴夏柴功。

竹茹玉竹薑和棗。

甘草鉤藤芩芍同。

頭痛在前。或兼發熱口渴者。陽明經傷熱也。宜加味升葛湯。

白芍

三錢

粉葛

三錢

黃芩

三錢

白芷

三錢

花粉

四錢

升麻

一錢

甘草

一錢

歌曰

頭痛在前熱渴加。

芍芩粉葛暨升麻。

草偕花粉能生液。

白芷祛邪力最賒。

雷頭風痛。或偏在左在右者。陽虛中風寒也。宜艾灸鹽摩法。

艾茸麝香作小粒灸痛處。附子末和鹽摩之。再服加味白通湯。方見下節。

歌曰

雷頭風痛附鹽摩。

麝艾同燒不在多。

加味白通薑附朮。

蔥芪參草與調和。

頭痛如碎。每遇陰雨更甚者。真陽不上頭也。宜加味白通湯。

白朮

三錢

黃芪

三錢

黨參

三錢

附子

三錢

乾薑

二錢

甘草

一錢

蔥白

三根

歌曰 每逢陰雨痛無休。

只為真陽不上頭。

仍用白通加味服。但須一劑病全瘳。

頭痛如破兼見嘔吐涎沫者肝經寒飲逆也宜加味吳萸湯。

吳萸 二錢 黨參 三錢 雲苓 三錢 桂枝 三錢 半夏 三錢 白芍 三錢

細辛 五分 甘草 一錢 大棗 三枚 生薑 三片

頭痛如破吐痰涎。飲逆肝寒薑棗全。

歌曰 參草吳萸辛桂用。雲苓夏芍入湯煎。

頭暈鬱冒其人煩渴悶滿者火挾痰上泛也宜加味銀菊湯。頭重加酒軍

白菊 一錢 銀花 三錢 花粉 三錢 雲苓 三錢 甘草 一錢 枳殼 一錢

旋覆 三錢 黃芩 三錢 柴胡 三錢 杏仁 三錢 薄荷 一錢 竹茹 三錢

頭暈鬱冒銀菊醫。柴苓花粉杏旋施。

歌曰 竹茹苓枳和甘草。加入薄荷能散之。

頭暈飄搖其人兩額發赤者腎經虛火動也宜加味地黃湯。

熟地 四錢 山茱萸 三錢 伏苓 三錢 丹皮 三錢 山藥 三錢 澤瀉 三錢

安桂 一錢 牛膝 二錢 附子 三錢 川芎 一錢 細辛 五分 寸冬 三錢

元參 三錢 磁石 三錢

伯未按蜀刻本無白菊銀花花粉枳殼

伯未按修時頭眩眼花無所見者用熟地一兩黨參五錢煎服

歌曰

飄搖頭暈腎經虛。
桂附芎辛磁膝引。

地澤丹元山藥俱。

冬苓滋養佐萊莢。

◎耳證

(總訣)耳雖腎竅辨聲音。繞耳游行是膽經。時輩不知清木火。漫將滋腎調高明。

耳鳴耳聾。或兼口苦寒熱者。少陽經風熱也。宜仲景柴胡湯。

柴胡 三錢

人參 二錢

黃芩 三錢

半夏 三錢

甘草 一錢

生薑 三片

大棗 二枚

歌曰

耳鳴寒熱或兼聾。
風中少陽柴作引。

棗草參苓薑夏同。

方原仲景妙無窮。

耳鳴耳聾。或兼脇痛善怒者。肝經之火鬱也。宜加味瀉肝湯。

當歸 三錢

生地 三錢

柴胡 三錢

黃芩 三錢

梔子 三錢

澤瀉 三錢

木通 二錢

膽草 三錢

前仁 三錢

牡蠣 三錢

青皮 一錢

甘草 一錢

耳鳴脇痛瀉肝湯。

龍膽前仁牡蠣匡。

歌曰

通澤梔芩柴地用。

青皮歸草合成方。

伯未按耳暴聾木香研末酒浸一宿以酒滴耳中

伯未按夏枯花五錢濃煎服之極簡效